



Jinghpaw Mung Daw Kata Mung Shawa ni Hpe Hpyen Nbungli Ni Hte Sat Nat Gasat ai the seng ai Ndaui Laika

Nhtoi: October 24, 2022

October 23, 2022 ya shana hta Jinghpaw Mung, Hpakant Muklum kata na Anang Pa mare kaw, (62) Lang Na Wungpawng Mungdan Shanglawt Asuya (Kachin Independence Organization) hpaw ninghtan ai nhtoi a mahkyen hku nna Yu Ngwi Pinra galaw nga yang, gumshem hpyen dap kaw nna nbungli hte sat nat gasat hkrum ai majaw, yu ngwi ninghkring ni hte mung shawa ni law law sat hkrum ai lam kajawng kaja hkrit tsang hpa shiga na lu ga ai.

Anang Pa mare gaw August 20, 2021 kaw nna shata 15 na hkra Internet matut mahkai ai lam ni mahkra hpe pat hkum da ai shara re. Ndai laika ka ai aten du hkra, mung shawa masha (60) daram sat hkrum ai hte hkala nba hkrum hkra ai mung masha (100) grupyin hpe gumshem hpyen dap gaw Ginsi Shagyit kaw nna lai na ahkang n jaw ai majaw tsi tsi hkam la na ahkang n lu ai hte asak si hkrum na masa nga ai re.

Anhte rawt malan pawng hpawm hpung ni kaw nna lawu na lam ni hpe ndau dat ga ai.

1. Masha a myit jasat hte n bung ai, zai mazut ai gumshem hpyen dap ni sat nat ai hkrum sha nga ai Jinghpaw Wunpawng amyua sha ni a matu myit n ngwi n pyaw ga ai.
2. Rawt Malan Wuhpung KIO hpang wa ai (62) ning hpring nhtoi aten hta ndai zawn gumshem hpyen dap ni sat nat zingri ai lam gaw Fedare Democracy mung masa hte hpyen masa hku nna shingla gasat nga ai rawt malan hpung yawng hpe gasat shamyit nga ai re, ngu hkam la ga ai.
3. Mung shawa masha ni law law hpawng de nga ai shara hta masha dawwa dawt-sa si ru hkrum hkra ndai zawn sat nat gasat ai lam gaw hpyen tara tawt lai ai re. Jinghpaw Wunpawng (Kachin) amyua sha ni hpe amyua shamyit lai (Genocide) masa hte gasat nga ai re, ngu maram lu ai.
4. Mung shawa masha ni hpe dasang nbungli hte htim gasat ai gumshem hpyen dap hpe laja lana ninghkap ga ai.
5. Anhte wuhpung ni gaw KIO hte Jinghpaw Wunpawng Amyua sha ni a lawt lu lam hta shakut shaja nga ai magam bungli ni hpe arawng la let, grau tangdu hkra ta

gindun let gumshem hpyen dap ni hkrat sum mat hkra, n-gun dat shingla gasat mat wa na re.

6. Gumshem hpyen dap a nbungli sau hte laknak pat hkum na lam, shanhte hpe gumhpraw madi ya nga ai jaksau magam bungli (MOGE) hpe ahkyak la na lam, gumshem hpyen dap hpe masat masa n galaw lu hkra mungkan mungdan asuya ni tatut hkrang shapraw na lam hte mungdan shagu a asuya ni hpe madi madun hkrang shapraw nga na matu, shadut jahkat dat ga ai.

All Kachin Students' Federation – AKSF

AntiJuntaMassMovementCommittee–AJMM(စစ်အာဏာရှင်ဆန့်ကျင်ရေးလူထုလှုပ်ရှားမှုကော်မတီ)

Blood Money Campaign

General Strike Committee–GSC (စစ်အာဏာရှင်စနစ်တိုက်ဖျက်ရေး အထွေထွေသပိတ်ကော်မတီ)

General Strike Committee of Nationalities–GSCN (လူမျိုးပေါင်းစုံအထွေထွေသပိတ်ကော်မတီ)

Kachin National Youth Network–KNYN

Kachin State Civilian Movement–KSCM

Women's League of Burma–WLB (အမျိုးသမီးများအဖွဲ့ချုပ် (မြန်မာနိုင်ငံ))